

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर अज्ज बक्ख-बक्ख सरकारी मैह्कमे ते इदारे च नमें लाए गेदे 51 ज्हार कोला मते नोजवानें गी नियुक्ति पत्र सौंपगन।
- अजें तोड़ी 1 लक्ख 63 ज्हार कोला मते श्रद्धालु श्री अमरनाथ दी पवित्र गुफा च दर्शन करी चुके दे न, 6 ज्हार 600 कोला मते श्रद्धालुएं दा इक होर जत्था अज्ज जम्मू थमां घाटी लेईद खाना होआ।
- जम्मू कश्मीर दी मजूदा हज कमेटी दा कार्यकाल 19 जुलाई गी खत्म होआ'रदा ऐ, नमीं कमेटी चुनने लेई प्रक्रिया शुरू।
- मुख् सचिव अटल डुल्लू होर कमजोर उद्योगिक इकाइएं दी नजरसानी लेई पैहले पैहले एमएसएमई सेहत क्लीनिक दी शुरूआत कीती।
- मराठा सैन्य गौरव दे प्रतीक किलें गी यूनेस्को दी विश्व विरासती थाहरें दी सूचि च शामिल कीता गेआ ऐ।

<><><><><><>

PM Rozgar

प्रधानमंत्री नरेन्द्र मोदी होर अज्ज वीडियो कांफ्रेंसिंग राएं बक्ख-बक्ख सरकारी विभागें ते संगठनें च नमें नियुक्त 51 ज्हार शा मते नोजवानें गी नियुक्ति पत्र बंडगन। सरकार दी रोजगार मेला पैहलकदमी दा इक हिस्सा ऐ। इस दरान प्रधानमंत्री नमें नियुक्त मेदवारें गी संबोधत बी करगन। 16मां रोजगार मेला देश दी बक्ख-बक्ख 47 थाहरें उपपर आयोजित कीता जाग। एह भर्थियां केन्द्र सरकार दे बक्ख-बक्ख मंत्रालयें ते विभागें च होआ'रदियां न। देश दे बक्ख-बक्ख हिस्से शा चुने गेदे नमें कर्मचारी, रेल मंत्रालय, गृह मंत्रालय, स्वास्थ्य ते परिवार कल्याण, श्रम ते रोजगार ते डाक विभाग सनें होर दुए मंत्रालयें ते विभागें च अपनियां सेवा देंगन। देश भर च आयोजत रोजगार मेले राएं अजें तगर 10 लक्ख शा मते भर्थी पत्र जारी कीते जाई चुके दे न।

<><><><><><>

LG Delegation

उपराज्यपाल मनोज सिन्हा होरें कल केई प्रतिनिधिमंडलें कन्नै मलाटी कीती। साबका मंत्री ते पीपल्स डेमोक्रेटिक फ्रंट पार्टी दे अध्यक्ष हाकिम मोहम्मद यासीन होरें अपनी पार्टी दे लीडरें कन्नै कल श्रीनगर च उपराज्यपाल हुंदे कन्नै मलाटी कीती। प्रतिनिधिमंडल नै बक्ख-बक्ख मुद्दें बारे गल्लबात कीती जिंदे च नोजवानें गी सशक्त बनाना। सैलसफा खेत्तर गी बढावा देना ते बडगाम जिले दी किश सैलानी थाहरें गी परतियै खोलने बारे बी बचार बंटादरा कीता गेआ। तोआई कश्मीर गैर विस्थापित अल्पसंख्यक युवाएं दे इक दल नै बी उपराज्यपाल हुंदे कन्नै मलाटी कीती ते कश्मीर च रवा'रदे गैर विस्थापित अल्पसंख्यक समुदाय दी भलाई बेह्तरी आस्तै केई मालें गी उजागर कीता। एह्दे अलावा उपराज्यपाल होरें डॉ. मोहम्मद शोयब जहूर हुंदे आस्सेआ लिखे दा इक गीत "जय कश्मीर" गी बी जारी कीता। उपराज्यपाल होरें डॉ. जहूर ते उंदी टीम गी इस गीत च दफा 370 खत्म होने दे बाद जम्मू कश्मीर च इकजुटता, तरक्की ते बदलाव दी कहानी ब्यान करने लेई सराहना कीती।

<><><><><><>

Amarnath Yatra

जारी अमरनाथें दी यात्रा दे कल 9में घ्याड़े कुल 18 ज्हार 10 श्रद्धालुएं पवित्र गुफा च बर्फानी बाबा दे दरबार च मत्था टेकेआ जेह्दे कन्नै गै 3 जुलाई गी शुरू होई दी इस ब8रे दी यात्रा दरान पवित्र गुफा दे दर्शन करने आले यात्रिएं दी गिनतरी 1 लक्ख 60 ज्हार कोला उप्पर पुज्जी गई ऐ। आकाशवाणी दे जम्मू संवाददाता नै जानकारी दित्ती ऐ जे कल संजा तोड़ी पवित्र गुफा च मत्था टेकने आलें दी गिनतरी 1 लक्ख 63 ज्हार 726 होइ गई ऐ। तोआई जम्मू थमां अज्ज बडलै 6 ज्हार 639 श्रद्धालुएं गी लेइयै जम्मू दे भगवती नगर आले यात्री निवास आधार शिविर थमां 11मां जत्था घाटी लेई रवाना होआ। लौह्किएं बडिडएं कुल 275 गडिडएं दे काफले च सोआर इनें यात्रिएं च 4 ज्हार 955 मर्द, 1 ज्हार 462 महिला, 41 न्याणे, 144 साधु ते 37 साधवियां शामिल न। इंदे चा 2 ज्हार 337 श्रद्धालु बालटाल ते 4 ज्हार 302 श्रद्धालु पहलगाम आले रस्तेया पवित्र गुफा लेई अपनी यात्रा शुरू करगंन।

<><><><><><>

Haj Committee

जम्मू कश्मीर हज कमेटी दे मजूदा मिंबरें दा कार्यकाल की जे मुक्कने आला ऐ, इस करियै नमीं कमेटी लेई मिंबर चुनने दी प्रक्रिया शुरू होई चुकी दी ऐ। आकाशवाणी दे जम्मू संवाददाता नै जानकारी दित्ती ऐ जे उपराज्यपाल मनोज सिन्हा हुंदे आस्सेआ 20 जुलाई 2022 गी खडेरी गेदी इस कमेटी दा कार्यकाल इस म्हीने दी 19 तरीक गी खत्म होआ करदी ऐ।

हज कमेटी दे नियमें कायदे मूजब नमीं कमेटी च 7 मिंबर होंगन, जिंदे च इक मजूदा मिंबर पारलिमेंट, दऊं एमएलए ते इक मिंबर मकामी निकाए थमां प्रतिनिधि दे तौरा पर एहदे च शामिल होग। केन्द्र शासत प्रदेश लेई संविधान दी दफा 239 मूजब उपराज्यपाल जेह्ड़े कमेटी दे प्रशासक न, उनेंगी कमेटी नियुक्त करने दा इख्तियार हासल ऐ।

<><><><><><>

Accident

रामबन जिले दे सेनाबाथी डबदरोड़ा इलाके च कल संजा इक टाटा सुमो गड्डी दे सड़कै परां रूलकियै हेठ कोई 800 फुट डूहगी खड्डै च जाई पौने करी 4 जनें दी मौत होई गई ते दऊं होर जख्मी होइ गे न। जानकारी मूजब एह गड्डी सेनाबाथी थमां उखराल जा करदी ही ते एहदे च कुल 6 लोक सोआर हे। घायलें गी इलाज लेई अलंतनाग दे सरकारी मैडिकल कालेज अस्पताल मुंतकिल करी दित्ता गेआ जित्थें उंदा इलाज चलै करदा ऐ। पुलसै मामला दर्ज करियै जांच दा कम्म शुरू करी दित्ता ऐ। उपराज्यपाल मनोज सिन्हा ते केन्द्री मंत्री डॉ. जितेन्द्र सिंह होरें इस हादसे पर दुख प्रगट कीता ऐ। हादसे बारे होर जानकारी देआ'रदे न साढ़े जिला संवाददाता.....

<><><><><><>

CS-MSME Health Clinic

जम्मू कश्मीर च औद्योगिक खेत्तर गी विकास दी बत्ते पर अगड़ा बधाने दे मकसद कन्नै मुख्ख सचिव अटल डुल्लू होरें कल जम्मू कश्मीर पर पैह्ला पैह्ला एमएसएमई सेहत कलीनिक शुरू कीता ऐ। एह पैहलकदमी मुत्तलका धड़ें ते माहिरें आस्सेआ कीती गेदी सिफारशें दे अनुकूल तैआर कीता गेआ ऐ तां जे औद्योगिक इकाइए गी पेश ओने आली चुनौतिएं गी असरदार तरीके कन्नै सुलझाया जाई सकै। उद्घपाटनी समारोह च बोलदे होई मुख्ख सचिव होरें आखेआ जे एह सेहत कलीनिक औद्योगिक इकाइए दी परेशानियां दूर करने च मता कारी दा साबत होग। उनें एह बी गलाया जे एहदे तैहत उपलब्ध करोआई जा'रदी सेवां निरपक्ख, डाटा अधारित ते जरूरत साहबै होना अत्त लाजमी ऐ।

<><><><><><>

CS-IMPARD

जम्मू कश्मीर लोक प्रशासन ते ग्रामीण विकास संस्थान आस्सेआ जम्मू कश्मीर प्रशासनिक पुलस ते एकांडट्स सेवा दे 2023 बैच दा 6 हफते दा संयुक्त बुनियादी सिखलाई कार्यक्रम पूरा होने पर इक समापन समारोह दा आयोजन कीता गेआ। जेहदे च मुख्य सचिव अटल डुल्लू होरें मुख्य परौहने दे तौरा पर जिसलै के जीएडी दे कमीशनर सैक्रेटरी एम.राजू होरें मानजोग परौहने दे तौरा पर शिरकत कीती। अपने संबोधन च मुख्य सचिव होरें प्रशिक्षअफसरें गी सलाह दित्ती जे भविष्य च प्रशासक दे तौरा पर अपनी भूमका च रमानदारी ते जवाबदेही गी बनाई रखन। उनें लोकें गी पारदर्शी ते जवाबदेह तरीके कन्ने न्याय उपलब्ध करोआने दे महत्व पर जोर दित्ता।

<><><><><><>

UNESCO

भारत दिएं मराठा सैन्य इमारतें गी यूनेस्को दी विश्व धरोहर फेहरिस्त च शामिल कीता गेआ ऐ। इस मान जोग प्रतिष्ठित उपलब्धि गी हासल करने आली एह मुल्ले दी 44मीं मुख्य थाहर बनी गई ऐ। पेरिस च यूनेस्को मुख्यालय च विश्व धरोहर समिति दे 47में सत्र दरान कल संजा एहदी घोषणा कीती गई। प्रधानमंत्री नरेन्द्र मोदी होरें महाराष्ट्र दे मुख्यमंत्री देवेन्द्र फडनविस ते संस्कृति मंत्री गजेन्द्र सिंह शेखावत होरें इस ऐतिहासक उपलब्धि परलोकें गी बधाई दित्ती ऐ। एह वैश्विक सम्मान भारत दी प्राचीन सांस्कृतिक विरासत गी दर्शादा ऐ। एह स्थापत्य कला, खेत्री पंछान ते ऐतिहासक निरंतरता गी बी बांदे करदा ऐ। 15मीं थमां 19मीं शताब्दी तगर फौजे दे मराठा सैन्य परिदृश्य च 12 किले शामिल न जेहड़े मगरा साम्राज्य दी रणनीतिक सैन्य दृष्टि ते स्थापत्य कला दी नशानदेही करदे न। महाराष्ट्र ते तमिलनाडू च फौले दिएं किश चोनमिएं थाहरें सलेहर, शिवनेरी, लोहगढ़, रायगढ़, राजगढ़, प्रतापगढ़, सुवर्णदुर्ग, पंहाला, विजयदुर्ग ते सिंधुदुर्ग दे कन्नो कन्नी तमिलनाडू च गिगी-किला बी शामिल ऐ।

<><><><><><>

Animal Husbandry

आम लोकें ते टकोहदा करियै पशुपालकें दे माल बछ्छे दी सेहत गी लेइयै दिक्खभाल, सिखलाई ते जागरुकता लेई मैहकमा पशुपालन केई जागरुकता कैप लोआ करदा ऐ। इनें कैपें दा मकसद माल बछ्छे दी सेहत च सुधार, उत्पादन च बाद्धा ते पशुपालकें गी नमिएं तकनीकें ते तौर तरीके बारे जागरुक बनाना ऐ।

एह्दे अलावा कसरी पशुएं दे इलाज, बमारिएं कोला बचाह लेई टीकाकरण, पेट दे कीड़े मारने लेइ समें सिर दोआ ते टीके दे मदद कन्नै पशुएं गी नमा कराना ते इस चाल्ली दियां सेवा बी उपलब्ध कराइयां जंदियां न। इस बारे जानकारी कन्नै रामबन दे मुख्ख पशु अधिकारी राजेश अरोड़ा.....

<><><><><><>